



11. oktober 2021

All. nr./brevnr.:

2021-900-0002-30

Sull./sagsbeh.: KJ/jh

Nanortalimmi utoqqaat illuanni misissuineq pillugu nalunaarussiaq 11. oktober 2021-meersoq

1. Aallaqqaasiut

Utoqqaat illuanni Nanortalimmiittumi misissuineq siumut ilimasaarutigineqareersimasoq Inatsisartut Ombudsmandiannit misissuiartortunit 12. aamma 13. maj 2021-mi ingerlanneqarpoq. Misissuineq taanna Ombudsmandeqarfiup ataatsimut sulineranut ilaatillugu ingerlanneqarpoq, taamaalillunilu naammagittaalliummik aalajangersimasumik tunngaveqarani misissuinerulluni.

Nalunaarusiamut ilanngussaq misissuinermut inatsiseqartitsinikkut tunngaviusoq pillugu paasissutissanik imaqartoq innersuussutigaa.

Misissuiartortut tassaapput immikkut siunnersorti Camilla Laudrup, fuldmægtig Kamilla Jensen aamma oqalutsit/nutserisut pisortaat Jørgen Hansen Ombudsmandeqarfimmeersut.

Taakkua saniatigut Kommuni Kujallermi isumaginnittoqarfimmi ingerlatsinermi pisortaq ingerlatsiviup peqataatitaatut misissuinerup ilaani najuuppoq.

Misissuinermi eqqartorneqartut ilaannaat nalunaarusiami matumani ilanngunneqarput.

Utoqqaat illuat aamma Kommuni Kujallermi ingerlatsivik nalunaarusiaagallartooq pillugu oqaaseqaammik saqqummiussinissaminnut periarfissinneqarsimapput. Utoqqaat illuata aamma Kommuni Kujalliup oqaaseqaataat e-mailikkut 20. august

2021-meersukkut tiguakka. Utoqqaat illuata oqaaseqaataanut ilassutit oqarasuaatikkut 13. september 2021-mi oqaloqatigiinnermi pissarsiaarakka. Oqaaseqaatit nalunaarusiami ilanngunneqarput.

2. Misissuinerup piareersarneqarnera ingerlanneqarneralu

Utoqqaat illuat misissuiartussamaarnermik oqarasuaatikkut 16. marts 2021-mi ilisimatinneqarpoq, misissuinerlu pillugu paasissutissat amerlanerusut allakkatigut 25. marts 2021-meersutigut tigullugit. Utoqqaat illuat tamatumunnga atatilugu qinnuigaara sulisut, najugaqartut ilaqutaasullu tamaasa misissuissamaarnermik misissuiartortunillu oqaloqateqarnissamut periarfissaqarnerannik ilisimateqqullugit.

Kommuni Kujallermi ingerlatsivik misissuiartussamaarnermik e-mailikkut 25. marts 2021-meersukkut ilisimatippara. Misissuinerup ilaani erseqqinnerusumik isumaqatigiissutigineqartumi ingerlatsiviup alapernaasertitaasutut peqataasinnaanera tamatumunnga peqatigitillugu neqeroorutigaara, tamannalu ingerlatsiviup kissaatigippagu ilisimateqqullunga.

Utoqqaat illuat najugaqartullu pillugit allakkatigut paasissutissat assigiinngitsut misissuineq sioqqullugu utoqqaat illuannit tiguakka.

Utoqqaat illuanni pisortaqatigiit, tassalu pisortaq taassumalu tullersortaa, misissuiartortunit misissuinermi oqaloqatigineqarput.

Taakkua saniatigut sulisut arfineq pingasut najugaqartullu arfineq marluk ataa-siakkaarlugit misissuiartortunit oqaloqatigineqarput. Oqaloqatiginninnerni marlunni ilaqutaasumik aamma najuuttoqarpoq.

Utoqqaat illuata initai misissuiartortunit aammattaaq misissorneqarput.

3. Utoqqaat illuat pillugu ataatsimut oqaatigisassat

Utoqqaat illuat kommunip utoqqarnik paaqqinniffiutigaa Nanortalimmiittoq, 24-nik ineeralik. Utoqqaat illuanni inissaq ataaseq oqilisaassinermi inissatut pigine-

qarpoq. Misissuinerup nalaani utoqqaat illuanni 22-t aalajangersimasumik najugaqarput kiisalu oqilisaassivittut inissami ataaseq najugaqarluni.

Utoqqaat illuat marlunnik immikkoortorta qarfiligaavoq. Immikkoortorta qarfik A najugaqartunut paaqqutarisarialinnut qulinut inissalik, immikkoortorta qarfillu B najugaqartut sinnerinut nammineersinnaanerusunut kiisalu puigortunngortunut naatsorsuussaasunik inissalik.

Utoqqaat illuata initaasa ilaat 2018-imi nutarterneqarput. Utoqqaat illuata initaasa sinneri 2020-mi iluarsaanneqarput.

Pisortaqatigiit misissuinermi oqaatigaat nutaaliormi utoqqaat illuata puigortunngortut najugaqartussatut tigusalersimagai. Najugaqartut puigortunngortut Qaqortumi utoqqaat illuanni najugaqartussatut siusinnerusukkut innersuunneqartarsimapput. Pisortaqatigiit oqaatigaat najugaqartunut puigortunngortunut immikkut immikkoortorta qarfiliornissaq pilersaarutigineqartoq.

4. Ombudsmandip pingaarnerusutigut naliliinera

Pingaarnertut paasisara unaavoq utoqqaat illuat najugaqartunut avatangiisinik toqqissisimanartunik neqerooruteqarfiusoq. Tamatuma saniatigut paasisara unaavoq utoqqaat illuanni pisortaqatigiit sulisullu najugaqartunut timikkut pissaanermik annertunerpaatigut atuinaveersaarnissaq eqqumaffigigaat, pissaanermillu qaqutiguinnaq atuisoqartartoq.

Sulisut suliassaminnik aallussilluartuusorinarlutillu isumassuilluartuusorinarput, sulisullu misissuiartortunit oqaloqatigineqartut utoqqaat illuanni sulinertik pingaarnerusutigut nuannaraat.

Najugaqartut misissuiartortunit oqaloqatigineqartut amerlanersaasa oqaatigaat utoqqaat illuanni najugaqarnertik pingaarnerusutigut nuannarigitsik sulisunillu pitsaasumik pineqarlutik.

Init kusanartuupput eqqiluitsuullutillu, nuannersunngorlugillu aaqqissugaallutik, naak init ataatsimoortarfiit paaqqinniffipalaarnerulaaruartut.

Pissutsit arlalit oqaaseqaateqarnissannut pissutissaqalersippaannga. Taakku tul-liuttuni immikkoortuni 5-imit 9-mut allaaserineqarput.

5. Pissaanermik atuisarneq pillugu inatsimmik ilisimasaqarneq

5.1. Utoqqaat illuat allakkanni 25. marts 2021-meersuni ilaatigut qinnuigaara utoqqaat illuata najugaqartunut pissaanermik atuinermi tunaartarisassai uannut nassiuteqqullugit kiisalu 2019-imi 2020-milu pissaanermik atuinernik nalunaarutigininnerit qassiunerat paasissutissiissutigeqqullugu.

Utoqqaat illuat e-mailikkut 16. april 2021-meersukkut akivoq pissaanermik atuinermi tunaartarisassaliortoqarsimanngitsoq, pissaanermillu atuinernik 2019-imi 2020-milu nalunaarutiginnittoqarsimanngitsoq.

Pisortaqatigiit misissuinermi oqaatigaat pissaanermik siusinnerusukkut atuisoqartarsimasoq, pissaanermilli atuneq pisariaqartinneqarunnaarsimasoq.

Pisortaqatigiit misissuinermi nassuiaatitut oqaatigaat isumaginninnermik suliassaqarfimmi pissaanermik atuisarneq pillugu malittarisassaqarnera pisortaqatigiit nalunngikkaat, pisortaqatigiillu isumaginninnermik suliassaqarfimmi pissaanermik atuneq pillugu Inatsisartut inatsisaat nr. 1, 21. november 2013-imeersoq kingusinnerusukkut allannguuteqartinneqarsimasoq (matuma kingornatigut pissaanermik atuisarneq pillugu inatsimmik taaneqartartussa) atuarsimagaat. Pisortaqatigiit oqaatigaat inatsit internetsimut namminneq iserlutik atuarsimagitsik, kalaallisuali paasiuminaatsorujussuusoq.

Pisortaqatigiit aammattaaq oqaatigaat pissaanermik atuisarneq pillugu siusinnerusukkut pikkorissartitsisoqarsimasoq pikkorissaqqikkusussinnaallutillu, suliassaqarfimmi taanna ilisimasaqarfiginerorusukkamikku.

Pissaanermik atuinernik nalunaarutiginninnermi immersugassanik immikkut ittunik Naalakkersuisunit suliarineqarsimasunik peqarnera oqaatigineqarmat pisortaqatigiit oqaatigaat pissaanermik atuinernik nalunaarutiginninnermi immersugassanik immikkut ittunik peqarnera nalugitsik, matumani immersugassat taakkua

sumi nassaarineqarsinnaanerat ilanngullugu eqqarsaatigalugu, taamatuttaarlu pissaanermik atuisarneq pillugu inatsit pillugu ilitersuusiortoqarsimanera nalugitsik. Pisortaqatigiit pissaanermik atuinissaq pisariaqartikkunikku kommunimi kina attaveqarfigissanerlugu taamatuttaaq naluaat.

Ingerlatsiviup peqataatitaata tamatumunnga atatillugu oqaatigaa pissaanermik atuinissamik qinnuteqaatit kommunalbestyrelsimit akuerineqartussaasut, qinnuteqaatillu taamaattut ingerlatsiviup peqataatitaanut nassiunneqartassasut.

Pisortaqatigiit aamma oqaatigaat sulisut pissaanermik atuisimatillugit qanoq iliorinissaannut aalajangersimasumik periaaseqartoqanngitsoq, sulisulli unneqqaris-sorujussuugamik nalornisaminnik iliuuseqarsimagaangamik tamatigut oqartar-tut.

Pisortaqatigiit sulisullu misissuiartortunit oqaloqatigineqartut nassuiaatitut o-qaatigaat sulisut periaaseq una atortaraat, tassalu soorlu najugaqartup nangini taarseqqunngippagu imaluunniit kigutini piffissami tassani salikkumangippagit sulisut najugaqartoq misilillugu oqaloqatiginiaqqaartaraat, kingusinnerulaartuk-kullu uterfigeqqissinnaasarlugu.

Pisortaqatigiit aamma oqaatigaat sulisut nutaat atorfinitsinneqarnerinut atatil-lugu pissaanermik atuisarnermut tunngatillugu ilitersuisoqartarsimasoq. Ukiulli arlalingortut taamaaliortoqartarsimangilaq, tassami inatsisip assilinerat – qanit-toq tikillugu – sulisut mappiannit tammarsimammat. Pisortaqatigiit tamatu-munnga atatillugu oqaatigaat sulisut nutaat pissaanermik atuisarneq pillugu ma-littarisassanik siunissami paasissutissinneqartarniartut.

Misissuiartortut utoqqaat illuata takutissorneqarnerani maluginiarpaat pissaa-nermik atuisarneq pillugu inatsisip immikkoortuata III-p inersimasunut tunnga-sup kalaallisuuata qallunaatuatalu assilinerat sulisut inaanni allagarsiivimmi ni-vingatinneqartoq. Assilisaq taanna 19. marts 2021-mi naqitanngortinneqarsi-mavoq.

Kiisalu pisortaqatigiit misissuinerami oqaatigaat najugaqartut inatsit tunngaviga-lugu pisinnaatitaaffeqarnerminnik paasitinneqarsimangitsut, matumani pissa-

nermik atuisoqarnera pillugu naammagittaalliornissamut periarfissat ilanngullugit eqqarsaatigalugit, najugaqartulli pisinnaatitaaffimminnik paasitinneqartarnissaat pisortaqatigiit qulakkeertariaqarunaraat.

Sulisut misissuiartortunit oqaloqatigineqartut oqaatigaat pissaanermik atuisar-neq pillugu malittarisassanik paasissutissinneqarsimanatik. Pissaanermik atuisar-neq pillugu malittarisassaqarnera inatsisillu sulisut inaanniinnera sulisut amer-lanersaasa nalunngilaat. Sulisut ilaasa inatsit atuarsimavaat. Immersugassat im-mikkut ittut pissaanermik atuinermik nalunaarutiginninnermi atugassatut Naa-lakkersuisunit suliarineqarsimasut sulisut ilisimannngilaat.

Najugaqartut misissuiartortunit oqaloqatigineqartut tamarmik nassuiaatitut o-qaatigaat utoqqaat illuanni sulisunit timikkut pissaanermik atuiffigineqarsiman-ngisaannarlutik.

Sulisut misissuiartortunit oqaloqatigineqartut oqaatigaat najugaqartunut pissaa-nermik atuisimannngisaannarlutik. Pisortaqatigiilli pisoq ataaseq qaammatip a-taatsip missaa qaangiuttoq pisimasoq oqaluttuaraat, tassanilu najugaqartoq u-toqqaat illuannit qimagutinnginniassammat aalajangerlugu tigummineqarsima-voq. Pisoq nalunaarusiami immikkoortumi 6-imi sukumiinerusumik eqqartorne-qarpoq.

5.2. Utoqqaat illuanni pisunik najugaqartoq pisariaqartumik paaqqutarisinnaaju-mallugu isumassorsinnaajumallugulu pinngitsaaliiffiusunik pilersoqarsinnaasar-nera paasisinnaavara. Pingaaruteqartumilli aalajangiisuusoq unaavoq sulisut na-jugaqartunut pissaanermik inatsisikkut akuerisaasuinnarnik atuisassasut, pissaa-nermillu taamatut atuneq najugaqartut inatsiseqartitsinikkut innarlitsaalineqar-nerat pisariaqarneratut isiginiarlugu pisassasoq.

Sulisut utoqqaat illuanni paaqqutarinniffimmiluunniit najugaqartunut timikkut pinngitsaaliinermik atuinissamut periarfissaat pissaanermik atuisar-neq pillugu inatsisikkut aalajangersarneqarput.¹

¹ Tamatuma saniatigut ilimagisariaqarpoq pisuni immikkut ittuni pissaanermik atuisoqarsin-naassasoq, imminut illersortariaqalernerme allatullu ajornartumik iliuuseqartariaqalernerme tunngaviit tunngavigalugit.

Oqaatigaara utoqqaat illuanni paaqqutarinniffinniluunniit najugaqartut ilaannaat pissaanermik atuisarneq pillugu inatsimmi pineqartunut ilaatinneqarmata. Taamaalluni pissaanermik atuisarneq pillugu inatsisip ilaa inunnut 18-it sinnerlugit ukiulinnut tunngasoq inunnut aalajangersimasunut eqqarsartaatsikkut annertuumik ataavartumillu pisinnaasakillisimasunut timikkut pinngitsaaliinermik atuinisamat taamaallaat periarfissiivoq, tak. pissaanermik atuisarneq pillugu inatsimmi § 3. Tassani pisut qanoq issusiat apeqqutaatillugu utoqqaat illuanni paaqqutarinniffimmiluunniit najugaqartut puigortunngortut pineqartunut ilaatigut ilaatinneqarsinnaapput.

Pissaanermik atuisarneq pillugu inatsit aalajangersakkanik arlalinnik inuit pissaanermik atuiffiqarsinnaasut ataqqinassusiaannngitsumik inatsiseqartitsinikkullu innarlitsaaliinermi illersorneqarsinnaasumik pineqartarnissaannik qulakkeereqataasunik imaqarpoq. Pissaanermik atuisarneq pillugu inatsit pinngitsaaliinermik atueriaatsit inatsimmi erseqqissumik taaneqarsimasut kisimik atornergarnissaannut taamaallaat periarfissiivoq. Pissaanermik atuineq sunaluunniit sioqqullugu inuup nammineq piumassutsini malillugu peqataanissaa anguniarlugu iliuuserineqarsinnaasut iliuuserineqarsimassapput, tak. pissaanermik atuisarneq pillugu inatsimmi § 30, imm. 1.

Pissaanermik atuisarneq pillugu inatsit pillugu oqaaseqaatit aamma "Isumaginninnermik suliaasaqarfimmi pissaanermik atuineq pillugu Inatsisartut inatsisaannut ilitsersuut – immikkoortoq III inersimasunut tunngasoq" 2013-imeersoq² Naalakkersuisullu nittartagaanni www.naalakkersuisut.gl-imi atuarneqarsinnaasoq innersuussutigaaqka.

Pissaanermik atuisarneq pillugu inatsisip immikkoortuani II-mi meeqqanut tunngasumi § 27-kkut aalajangersarneqarpoq meeqqat angajoqqaatullu oqartussaassusermik tigummiqartut immikkoortumi tassani malittarisassanik ilisimatineqarnissaat ulloq unnuarlu paaqqinniffiup pisortaata qulakkiissagaa, matumani tulleriinneri malillugit kommunimi uninngavigisami kommunalbestyrelsimut aam-

² Taamani Ilaqutariinnermut Inatsisinillu Atuutsitsinnermut Naalakkersuisoqarfiusumit suliarineqartoq.

ma Isumaginninnermi Naammagittaalliuteqartarfimmut naammagittaalliornissamut periarfissaq ilanngullugu eqqarsaatigalugu.

Aalajangersakkap taassuma assinganik immikkoortumi III-mi inersimasunut tunngasumi aalajangersagaqanngilaq.

Isumaqarpungali inuit pissaanermik atuiffigineqarsinnaasut pissaanermik atuisarneq pillugu malittarisassanik naammagittaalliornissamullu periarfissamik ilisimatinneqartariaqartut, pissaanermik atuinerup inatsimmik unioqqutitsisuunngitsup inatsimilluunniit unioqqutitsisup pineqarnera apeqqutaatinnagu. Tamanna inuit taakkua naammagittaalliornissamut periarfissamik atuinissaminnut periarfissaannut aalajangiisuulluinnartumik pingaaruteqarpoq.

5.3. Misissuiartortut misissuinnermi oqaloqatiginninneri aallaavigalugit paasisara unaavoq najugaqartunut timikkut pissaanermik atuinerup annertunerpaamik atornaveersaarneqarnissaa utoqqaat illuata pisortaqtigiivisa sulisullu eqqumaffigigaat. Uangani paasinninnera unaavoq taamatut eqqumaffiginninneq pissaanermik atuisarneq pillugu malittarisassanik naammaginartumik ilisimasaqarnermik tunngaveqanngitsoq.

Uanga paasinninnera unaavoq pisortaqtigiit sulisullu malittarisassanik ilisimasaqarnerannik nukittorsaanissaq ataatsimut pisariaqartinneqartoq, matumani pissaanermik atuinermik nalunaarutiginnittarneq nalunaarsuisarnerlu pillugit malittarisassat ilanngullugit eqqarsaatigalugit.

Kommunip utoqqaallu illuata oqaaseqaataat Kommuni Kujalliup nalunaarusiaagallartoq taanna tunngavigalugu 20. august 2021-mi nassiuppai, taakkulu utoqqaat illuata pisortaanik oqarasuaatikkut 13. september 2021-mi oqaloqateqarnermi itisilerneqarput.

Kommunip utoqqaallu illuata oqaatigaat Qaqortumi Eqqartuussivimmi sulisup utoqqaat illuanni pisortat pissaanermik atuinermik nalunaarutiginnittarneq pillugu malittarisassanik 1. juni 2021-mi ilitsersorsimagai. Tamatumunnga atatilugu sulinnermi tassani sakkussat tunniunneqarput, utoqqaallu illuata najugaqartunut pissaanermik atuisoqarnissaa pisariaqartinneqarpat sumut saaffiginnin-

nissani massakkut nalungilaa. Taamatut atuartitsineq Kommuni Kujalleq suleqatigalugu aaqqissuunneqarsimavoq, pisortallu Qaqortumi peqataasut paasisaminik utoqqaat illuanni sulisut sinnerinut kingusinnerusukkut ingerlatitseqqissimapput.

Kommunip tamatuma saniatigut oqaatigaa utoqqaat illuata pissaanermik atuisarneq pillugu malittarisassat pillugit paasisutissat sulisunut nutaanut tunniutteleqqissimagai. Kommunip aammattaaq oqaatigaa utoqqaat illuini sulisunik pissaanermik atuisarneq pillugu inatsit pillugu pikkorissartitsinissaq kommunip inatsisilerituaa peqatigalugu pilersaarutigineqartoq.

Kiisalu kommunip oqaatigaa utoqqaat illuat pissaanermik atuisarneq pillugu immersugassat pillugit paasisutissanik pissarsisimasoq, utoqqaallu illuata najugaqartut tamanna pillugu sukumiinerusumik paasisutissinniarai.

Utoqqaat illuata Kommuni Kujalliullu oqaatigisaat maluginiarpakka, immikkoortumullu tassunga atatillugu annertunerusumik iliuseqaqqissananga.

6. Pissaanermik atuinermik nalunaarsuisarneq nalunaarutiginnittarnerlu

Immikkoortumi 5-imi oqaatigineqartutut pisortaqatigiit misissuinermi oqaatigaat qaammatip ataatsip missaa siusinnerusukkut pisoqarsimasoq, tassanilu najugaqartoq aalajangerlugu tigummineqarsimalluni, paaqqinniffimmit qimagutinnginniassammat. Pisortaqatigiit aammattaaq oqaatigaat najugaqartup tigummineqarnissani nuannarinngikkaa. Pisortaqatigiit taamatuttaaq oqaatigaat pisoq allatut iliorluni aaqqinneqarsimasariaqarunaraluartoq.

Kiisalu pisortaqatigiit oqaatigaat pisoq nalunaarsorneqarsimanngitsoq, pisorlu nalunaarutigineqarsimanngitsoq.

Pissaanermik atuisarneq pillugu inatsimmi § 32, imm. 1-ikkut aalajangersarneqarpoq aalajangiilluni tigummininneq inerteqqutaanngitsoq, inuup timikkut annertuumik ajoqusernissamat allanilluunniit ulorianartorsiortitsilernissaa ilimनाविस्सुमिक् आरलरिनातेरपत, पिसुनिलु आसाक्काानी पिसुत्सित तामान्ना पिसरिआ-

qarluinnartippassuk. Pissaanermik taamatut atuineq pisuni ataasiakkaani pissut-sinut naleqqussarneqassaaq, pisariaqarluinnartumillu qaangiisuussanani, tak. inatsimmi § 32, imm. 2.

Pissaanermik atuineq suogaluartorluunniit najugarfiup nalunaarsortussaavaa kommunimilu uninngavigisami kommunalbestyrelsimut aamma Naalakkersuisunut nalunaarutigisussaallugu, tak. pissaanermik atuisarneq pillugu inatsimmi § 53, imm. 1. Nalunaarsuineq nalunaarutiginninnerlu nalunaarutiginninnermi immersugassat immikkut ittut atorlugit pissaaq, tak. inatsimmi § 53, imm. 2.

Pisuni inatsimmik unioqqutitsiffiusumi nalunaarsuineq ingerlaannartumik kingusinnerpaamillu pineqaatip aallartinneqarnerata aqaguani pissaaq. Tamanna pissaanermik atuisarneq pillugu inatsimmi § 54, imm. 1-ikkut aalajangersarneqarpoq. Pineqaatit taamaattut kommunimi uninngavigisami kommunalbestyrelsimut aamma Naalakkersuisunut ingerlaannartumik kingusinnerpaamillu ullut pingasut qaangiutsinnagit nalunaarutigineqassapput.

§ 31, imm.1, § 31, imm. 3, oqaaseqatigiit aappaat, § 31, imm. 4 kiisalu §§-it 32-35 tunngavigalugit pineqaatit ingerlaannaq nalunaarsorneqassapput, akuliunnerullu pinerata kingusinnerpaamik aqaguani nalunaarsorneqassallutik, tak. § 55, imm. 1. Pineqaatit imm. 1 tunngavigalugu nalunaarsorneqartut kommunimut uninngavigisamut Naalakkersuisunullu qaammatikkaartumik nalunaarutigineqartassapput, tak. § 55, imm. 2.

Imm. 5.3-mi oqaatigineqartutut Kommuni Kujalliup utoqqaallu illuata pisortaata e-mailikkut 20. august 2021-meersukkut oqarasuaatikkullu 13. september 2021-mi oqaloqatigiinnermi oqaatigaat Qaqortumi Eqqartuussivimmi sulisup utoqqaat illuanni pisortat pissaanermik atuineq pillugu nalunaarsuisarneq pillugu malittarisassanik ilitsersorsimagai, pisortallu sulinermi tassani sakkussanik tunineqarsimasut, taamaalillutik pisortat sulisullu najugaqartunut pissaanermik atuinissaq pisariaqartikkunikku sumut saaffiginninnissartik massakut nalunngikkaat.

Utoqqaat illuata pisumi eqqaaneqartumi aalajangiilluni tigumminninnermik pissaanermik atuisarneq pillugu inatsimmi malittarisassat tunngavigalugit nalunaarsuisimanninnera nalunaarutiginnissimanninneralu isorisarialittut isigaara.

Utoqqaalli illuata Kommuni Kujalliullu oqaatigisaat maluginiarpakka, immikkoortumullu tassunga atatillugu annertunerusumik iliuseqaqqissananga.

7. Illumi malittarisassat

Utoqqaat illuata najugaqartunut illumi malittarisassai misissuineq sioqqullugu tiguakka. Illumi malittarisassat taakku pujortartarneq pulaartoqartarnerlu pillugit aalajangersakkanik ilaatigut ima qarput. Utoqqaat illuata tamatumunnga atatillugu oqaatigaa illumi malittarisassat 2021-p ingerlanerani nutarterneqarniartut, tassami Kommuni Kujallermi tamarmi assigiinnik malittarisassaqaalersussaat.

Ingerlatsiviup peqataatitaata misissuinerimi oqaatigaa ataatsimut illumi malittarisassiorluni sulineq suli aallartisarneqarsimangitsoq.

Pisortaqatigiit oqaatigaat massakkut illumi malittarisassat taamaalillutik tassaat atuuttuusut, najugaqartullu najugaqartussatut allatsikkaangamik utoqqaat illuannit taakku ilanngullugit paasissutissinneqartartut.

7.1. Pujortartarneq

7.1.1. Utoqqaat illuata pujortartarneq pillugu illumi malittarisassaanit ilaatigut makku erserput:

“Najugaqartut inaanni pujortarneq inerteqqutaanngilaq, kisianni inersuarmi isersimaartarfiusumi pujortarneq inerteqqutaavoq, tassa najugaqartut ilaasa tupap pujua sapermassuk.

Siniffimmi pujortarneq – taamatuttaaq - inerteqqutaavoq!

[...]”

Pisortaqatigiit misissuinerimi oqaatigaat najugaqartut namminneq ineeraanni pujortarneq inerteqqutaanngitsoq, ineeqqanili ikuallattoqalerneranik kalerrisaarutit

malussarissorujussuusut. Taamaattumik pujortartoqalerniariartoq ikuallattoqalerneranik kalerrisaarut aallartittarmat najugaqartut ineeqqaminni pujortarsinnaangillat. Utoqqaat illuanni ataatsimoortarfinni pujortarneq inerteqqutaavoq.

Pisortaqatigiit aammattaaq oqaatigaat najugaqartut ineeqqaminni pujortarneq ajortut, utoqqaallu illuata silataani utoqqaat illuata isaariaanut atasumi pujortartoqartarnissaa najugaqartut namminneq aalajangeeqataaffigisimagaat.

Pisortap nassuiaatitut oqaatigaa najugaqartut ineeqqaminni pujortarsinnaatitaanertik nalunngikkaat, taamaaliorinnaanngitsulli ikuallattoqalerneranik kalerrisaarutit aallartinnagit. Pisortaqatigiit najugaqartunik namminneq ineeqqaminni pujortarsinnaannginnerminnik naammagittaalliuutiginnittunik ilisimasaqangillat.

Ingerlatsiviup peqataatitaata misissuinermi oqaatigaa najugaqartut namminneq ineeqqaminni inatsit tunngavigalugu pujortarsinnaatitaasut.

Misissuiartortut sulisunik najugaqartunillu oqaloqateqarneri aallaavigalugit uanga paasisakka imaapput najugaqartut sulisullu amerlanersaat isumaqartut najugaqartut ineeraanni pujortarneq inerteqqutaasoq.

Najugaqartut marluk misissuiartortunit oqaloqatigineqartut oqarput namminneq ineeqqaminni pujortartarusullutik.

7.1.2. Oqaatigaara pujortartarnermik inerteqquteqarneq pillugu Inatsisartut inatsisaanni nr. 15-imi, 26. maj 2010-meersumi (matuma kingornatigut pujortartarneq pillugu inatsimmik taaneqartartussami) makku aalajangersarneqarmata:

“**§ 2.** Inatsit makkunani atuuppoq:

[...]

4) Ilinniartfinni, meeqqanik paaqqinniffinni, matumani meeqqanik angerlarsimaffinni ulluunerani paarsisartut ilanngullugit eqqarsaatigalugit, kiisalu ulloq unnuarlu paaqqinniffinni, paaqqutarinniffittut angerlarsimaffinni, ilinniartut ineqarfiini sullissivinnilu taakkununga assersuunneqarsinnaasuni.

[...]

§ 3. Inatsisip atuuffigisaasa iluini tupamik pujortarneq inerteqqutaavoq, inatsisip aalajangersagartaani allani allatut aalajangersaasoqanngippat.

Imm. 2. Silami pujortartarfiliortoqarsinnaavoq. Silami pujortartarfiit ininit allanit avisaartillugit immikkuullarissumik silami pilersinneqassapput, oqorsagaanatik silammut ammaannartumik silaannarissarfilerlugit, anorimut sialummullu oqqiffissatut. Silami pujortartarfinni cigaritsikoorfinnik matoqqasunik ikkussuisoqassaaq. Silami pujortartarfiit pujortarnermuinnaq atugassatut pilersinneqassapput, taamaattutullu atorneqassallutik.

[...]

§ 5. Paaqqutarinniffittut angerlarsimaffinni, ulloq unnuarlu paaqqinniffinni, najugaqarfissatut neqeroorutini, ilinniartut ineqarfiini assigisaannilu inunnit 18-it sinnerlugit ukiulinnit arlalinnit najugaqarfigineqarnerusuni namminerisamik angerlarsimaffittut atuuttuni najugaqartut ataasiakkaat 18-it sinnerlugit ukiullit ineeqqami inissiamiluunniit angerlarsimaffittut najugaqarfigisaminni pujortarsinnaapput.

Imm. 2. Paaqqinniffik paaqqinniffimmi sulisut najugaqartullu allat pujortanngikkaularlutik tupap pujuanik najuussuinissaannut illersorniarlugit sunniuteqarluartunik sunniuteqassaaq. Paaqqinniffiup najugaqartut peqqusinnaavai sulisut ineeqqami inissiamiluunniit namminerisatut angerlarsimaffittut atuuttumi isersimatillugit pujortartaqunagit.”

7.1.3. Kommuni Kujalliup e-mailikkut 8. juni 2021-meersukkut oqaatigaa utoqqaat illuat najugaqartunik 7. juni 2021-mi ataatsimiititsisimasoq, najugaqartullu namminneq ineeqqaminni pujortarsinnaanerat ataatsimiinnermi tassani saqqummiunneqarsimasoq.

Najugaqartut ineeraanni ikuallattoqarneranik kalerrisaarutit malussarissusiat utoqqaat illuata qatserisartut pisortaat suleqatigalugu sakkukillisissimavaa, taamaalillutik najugaqartut namminneq ineeqqaminni pujortarsinnaalerlutik.

Paasissutissiissutigineqartoq maluginiarpara, taamaattumillu tamanna pillugu annertunerusumik iliuseqaqqissananga.

Kommuni Kujallermi tamarmi, taamalu aamma utoqqaat illuanni, illumi malittarissat assigiit suliarinarneqarnerannik paasissutissiissutigineqartoq taamatut-

*taaƷ maluginiarpara. Naatsorsuutigaara utoqqaat illuata ingerlatsiviullu pujortar-
tarneq pillugu inatsimmi malittarisassat tamatumunnga atatillugu isiginiassagaat,
illumilu malittarisassat ilumut atuutsinneqartut kisiisa ilanngutissagaat.*

*Naatsorsuutigaarattaaq utoqqaat illuata illup silataani pujortartarfimmik pilersit-
sinermut atatillugu pujortartarneq pillugu malittarisassat malissimagai.*

7.2. Piffissat pulaarfissat

Utoqqaat illuata illumi malittarisassaani pulaartarneq pillugu makku erserput:

“Ilaquttatit ikinngutitillu sukkulluunniit tikilluaqqusaapput nalinginnaasumilli illumit
anereersimassapput nal. 22:00.”

Utoqqaat illuata alakkarterneqarnerani misissuiartortut malugaat utoqqaat illua-
ta isaariaata eqqaani utoqqaat illuata allagarsiiviani allagarsiussamik nivinningaa-
soqarsimasoq nerinerup nalaani (ullaakkorsiornerup, ullup qeqqasiornerup un-
nukkorsiornerullu nalaanni) pulaarneq inerteqqutaasoq.

Pisortap misissuinermi nassuiaatitut oqaatigaa najugaqartut qaqugukkut pulaar-
toqarsinnaanerat killilersugaanngitsoq, matuli silarleq nal. 21-22-p misaani par-
naarneqartartoq. Taamaalillutik najugaqartut kissaatigisamittut pulaartoqarsin-
naapput. Pisortaqatigiit nassuiaatitut oqaatigaat pulaartut nerinerup nalaani iser-
tut oqarfigineqarneq ajortut, taamaalillutillu najugaqartut nerinerup nalaani aam-
ma nal. 21-p kingornatigut pulaartoqarsinnaapput. Pisortaqatigiit nassuiaatitut
oqaatigaat matu silarleq nerinerup nalaani parnaarneqartartoq, utoqqaammi il-
luata misigisarsimmagu najugaqartut ineeraat najugaqartut nerinerisa nalaani
susassaqaanngitsunit iserfigineqartarsimasut.

*Utoqqaat illuata piffissat pulaarfiusartut pillugit malittarisassaasa utoqqaat illuata
pisortaqatigiivinit oqaatigineqartut tunngavigalugit oqaaseqaatissaqalersinngi-
laangga.*

*Tulleriinneri malillugit illumi malittarisassani aamma allagarsiivimmi pulaartar-
neq pillugu aalajangersakkanik pisortaqatigiinnit atuutsinniarneqanngitsunik illu-*

mi malittarisassanit allagarsiivimmillu peerneqanngitsunik peqarnera pissusissamisuunngitsutut isigaara. Tamanna suut atuuttuunerannik nalornissutiginnilersitseqataasinnaavoq.

Piffissat pulaarfissat pillugit malittarisassanik ilumut atuutsinneqartunik peqarpat malittarisassat taakkua illumi malittarisassani allagarsiivinnilu takuneqarsinnaanissaat pissusissamisoornerpaatut isigaara.

Kommuni Kujallermi tamarmi, taamalu aamma utoqqaat illuanni, illumi malittarisassat assigiit suliariniarneqarnerannik paasissutissiissutigineqartoq maluginiarpara. Naatsorsuutigaara piffissat pulaarfiusartussat pillugit malittarisassat atuutsinneqarsinnaasut kisiisa utoqqaat illuata ingerlatsiviullu tamatumunnga atatilugu aalajangersassagaat.

7.3. Pulaartunik killilersuineq

Pisortaqatigiit misissuinermi nassuiaatitut oqaatigaat aalakoortut pulaarnissaat utoqqaat illuata inerteqqutigigaa, najugaqartummi pisinnaatitaaffii pulaartunit ataqqineqartussaammata, utoqqaammi illuat najugaqartut angerlarsimaffigimassuk. Pisortaqatigiit oqaatigaat aalakoortut utoqqaat illuannut iseqqusaannginnerat allagarsiunneqarsimasoq.

Pisortaqatigiit oqaatigaat pulaartut aalakoortut immiaaqqaanillu nassataqartut kisimik killilersuiffigineqartut, aalakoortullu immiaaqqaanik nassarlutik pulaarniartut ilaannikkut itigartinneqartartut.

Pisortaqatigiit aammattaq oqaatigaat aalakoortunik pulaartoqaqqusaannginnera najugaqartut amerlanersaasa nalunngikkaat.

Utoqqaat illuata matuani silarlermi allagarsiussa qaaasertalik nivinngarneqarsimasoq misissuiartortut misissuataarinermi malugaat:

“NAKEQQASIT PULAAQQUSAANNGILLAT!!!!!!”

Misissuiartortut pisortaqatigiinnik, najugaqartunik sulisunillu oqaloqateqarneri tunngavigalugit uanga paasisara unaavoq malittarisassat sorliit, matumani aala-koortunik imaluunniit aalakoortunik immiaaqqanik nassartunik pulaartoqartarneq ilanngullugu eqqarsaatigalugu, atuunnerat pillugu paasinninnerit assigiinngitsuu-sut.

Oqaatigaara pulaartarnernik killilersuinerit pillugit malittarisassat pissaanermik atuisarneq pillugu inatsimmi §§-ini 37-40-mi aalajangersarneqarsimmata.

Taakkunatigut aalajangersarneqarpoq najugaqartut ataasiakkaat namminneq i-neeqqaminni, aallaavittullu aamma inini ataatsimoortarfiusuni, kikkunnik qaqu-gukkullu pulaartoqarumanertik namminneq aalajangissagaat. Piumasaqaatilli aa-lajangersimasut eqqortinneqarpata kommunalbestyrelsi pisuni aalajangersima-suni ataatsimoortarfinni, pisunilu immikkorluinnaq ittuni aamma najugaqartut namminneq ineeraanni, pulaarsinnaanermik killilersuisinnaapput.

Utoqqaat illuanni pissusilersorneq pillugu malittarisassanik aalajangersaasoqar-nissaata utoqqaat illuanni pisariaqartinneqarsinnaanera paasisinnaavara.

Tamatumunnga atatillugu oqaatigaara manna nalinginnaasumik ilimagisaasoq, tassalu paaqqinniffimmi ataatsimut malittarisassat aalajangersimasut aqqis-suusaaanermut tunngasunik taaneqartartut tunngavigalugit aalajangersarneqar-sinnaasut, soorlu illumi malittarisassat, paaqqinniffimmiinneq paaqqinniffimmilu pissusilersorneq paaqqinniffik pitsaasuutissagaanni pissusissamisoortut pillugit malittarisassat tunaartarisassallu sukumiinerusut. Taakku tassaasinnaapput qa-qugukkut eqqissisoqarnissaa pulaarfissallu pillugit malittarisassat aamma imigas-saq pillugu politikki. Killilersuutinilli aalajangersaasoqarpat piumasaqaataavoq tamanna paaqqinniffiup siunertaa aallaavigalugu pisariaqartuussasoq, aamma iliuitsinik sakkukinnerusunik allanik piusoqassanngitsoq.

Najugaqartut namminneq ineraanni ataatsimoortarfinniluunniit akornutaasumik pissusilersorneq pineqarpat, soorlu nipiliortoqarpat, illumi malittarisassani ta-manna pillugu aalajangersagaqarpat aalajangersakkat taamaattut innersuussuti-gineqarsinnaapput.

Utoqqaat illuata pisortaata sulisuma ilaannit oqarasuaatikkut 13. september 2021-mi oqaloqatigineqarnermini oqaatigaa tamanna utoqqaat illuata najugaqartunut oqaloqatiginnissutigisimagaa. Pisortap aammattaaq oqaatigaa utoqqaat illuata aalakoortutik pulaartut pulaartullu immiaaqqanik nassartut aneqquneq ajorai, najugaqartulli sinneri torersuutitsinissarlu eqqarsaatigalugit najugaqartup pulaarfigineqartup ineeraaneeqqullugit innersuuttarai.

Utoqqaat illuata oqaatigisai maluginiarpakka, immikkoortorlu taanna pillugu anertunerusumik iliuuseqqissananga.

Kommuni Kujallermi tamarmi, taamalu aamma utoqqaat illuanni, illumi malittarissat assigiit suliariniarneqarnerannik paasissutissiissutigineqartoq aammattaaq maluginiarpara. Naatsorsuutigaara utoqqaat illuata ingerlatsiviullu pissaanermik atuisarneq pillugu inatsimmi pulaartoqarnissamik killilersuinerit pillugit malittarissat eqqumaffigissagaat.

8. Najugaqartup pigisaanik (savimmik ukusartumik) arsaarinnineq

Pisortaqtigiit pisoq misissuinerup nalaani oqaluttuaraat, tassanilu sulisup paasimavaa najugaqartoq puigortunngortoq savimminik ukusartumik ineeqqaminii-titaqartoq. Sulisup pisortaqtigiit attaveqarfigai, savillu ukusartoq tamatuma kingornatigut arsaarinnissutigineqarluni, pisortaqtigiimmi naliliimmata najugartup puigortunngortup ukusartumik saveqarnera ulorianartuusoq.

Pisortaqtigiit oqaatigaat savik ukusartoq arsaarinnissutigineqarmat najugaqartoq najuussimanngitsoq, saviullu ukusartup utoqqaat illuannit arsaarinnissutigineqarnera najugaqartumut paasissutissiissutigineqarsimanngitsoq. Pisoq allat-tuiffimmi allanneqarsimavoq. Kiisalu pisortaqtigiit oqaatigaat savik ukusartoq inuanut suli utertinneqanngitsoq.

Pisortap oqarasuaatikkut kingusinnerusukkut oqaatigaa pisoq taanna 2021-mi februarimi pisimasoq, naliliisoqarsimasorlu najugartup puigortunngortup ukusartumik saveqarnera ulorianartuusoq, najugaqartummi sulisut savimmik siusinnerusukkut qunusaareersimammagit.

Utoqqaat illuanni puigortunngortunit najugarineqartumi najugaqartumut, sulisunut allanulluunniit ulorianarsinnaasutut utoqqaat illuata naliligaannik, taamaattumillu najugaqartoq, sulisut allalluunniit illersorniarlugit aamma eqissisimaneq to-rersuunerlu anguniarlugit akuliuffigisaanik pisoqarsinnaanera paasisinnaavara.

Ingerlatsinerli pillugu inatsiseqartitsinermi inatsimmik naapertuuttumik tunnga-vissaqartussaananermik tunngaviup nalinginnaasup manna nassataraa, tassalu i-ngerlatsiviup sulinera inatsimmik imaluunniit inatsiseqartitsinermi aallaavimmik akuerisaasumik tunngaveqassasoq. Akuliunneq annertusiartortillugu inatsisikkut tunngavigisaq qularnaannerujartussaaq. Tamanna kommunit utoqqaat illuutaan-nut paaqutarinniffiutaannullu aamma atuuppoq.

Pissaanermik atuisarneq pillugu inatsisip immikkoortua II meeqqanut tunngasoq soorlu meeqqat ulloq unnuarlu paaqqinniffinni sikaaviinik misissuisarneq pillugu malittarisassanik imaqarpoq. Inatsilli inersimasunut najugaqatigiiffinni, matu-mani utoqqaat illui ilanngullugit eqqarsaatigalugit, najugaqartunut akuliunnerit pillugit malittarisassanik taamaattunik imaqanngilaq.

Nalinginnaasumik ilimagineqarpoq pisortat paaqqinniffiutaat pissutsit aqqis-suussaanermut tunngasunik taaneqartartut tunngavigalugit ataatsimut malitta-risassanik aalajangersimasunik aalajangersaasinnaasoq aalajangersimasunillu paaqqinniffiup ingerlaneranut pisariaqartunik aalajangiisinnaasoq. Ilaatigullu in-nuttaasut kiffaanngissuseqarnissamut pisinnaatitaaffiisa, matumani Tunngaviu-sumik Inatsit aamma Europami Inuit Pisinnaatitaaffii pillugit Isumaqatigiissut tunngavigalugit pisinnaatitaaffiit ilanngullugit eqqarsaatigalugit, pissutsinik aaq-qissuussaanermut tunngasunik tunngavittut atuisinnaaneq arlalitsigut killissaler-sorpaat.

Uanga naliliinera unaavoq utoqqaat illuat najugaqartup pineqartup nammineq pigisaanik (savianik ukusartumik) arsaarinninnissamut inatsisikkut pisariaqarne-ratut tunngavissaqarsimanngitsoq.

Utoqqaat illuata najugaqartup nammineq pigisaanik taamaaliornissamut inatsi-sikkut pisariaqarneratut tunngavissaqarani arsaarinnissimaneq isorisarialittut isigaara.

Inassutigaa utoqqaat illuata, imaassinnaavoq Kommuni Kujallermi ingerlatsivik suleqatigalugu, aaqqiissutissamik pisumi pineqartumut utoqqaat illuata najugaqartup nammineq pigisaanik (savimmik ukusartumik) arsaarinnissimanertut ittu-mi inatsiseqartitsinermut naapertuuttumik nassarniassasoq.

Tamatuma saniatigut kaammattutigaara siunissami matuma pissuseqataanik pisoqarnerani, imaluunniit najugaqartup savimmik sulisumut najugaqartumul-luunniit allamut qunusaarinerani utoqqaat illuata sulisuisalu sunik periarfissaqar-nerisa utoqqaat illuannit pisariaqarneratut ilisimasaqarfigineqarnissaata qulak-keerneqarnissaa utoqqaat illuata, imaassinnaavoq Kommuni Kujallermi ingerlat-sivik suleqatigalugu, suliniutigissagaa, matumani pisariaqarpat politiit suleqatigi-neqarnerat ilanngullugu eqqarsaatigalugu.

9. Najugaqartoq piumanngitsoq utoqqaat illuanni inissinneqarsimasoq

Pisortaqatigiit misissuiner-mi oqaatigaat utoqqaat illuanni najugaqartut puigortun-gortut ilaat piumanngitsoq 2020-mi inissinneqarsimasoq. Pisortaqatigiit tamatu-munnga atatillugu oqaatigaat suliassaq taanna inissiiniartartoqatigiittut ataatsi-miititaliamit suliarineqarsimasoq.

Pisortaqagiit aammattaaq oqaatigaat najugaqartup utoqqaat illuanniinnini mas-sakkut nuannarigaa.

Najugaqatigiiffittut neqeroorutini najugaqartussanik akuersisitsinani tiguisar-neq pissaanermik atuisarneq pillugu inatsisikkut aalajangersaavigineqarpoq.

Taamaalilluni pissaanermik atuisarneq pillugu inatsit §§-ini 36-mi, 42-mi, 43-mi, 49-mi aamma 50-imi inunnik najugaqatigiiffittut neqeroorutini najugaqartus-sanik najugaqartussatut erseqqissumik tiguneqarumangitsunik aamma inunnik tiguneqarnissamut erseqqissumik akuersisinnaassuseqanngitsunik akuersisitsi-nani tiguisarneq pillugu aalajangersakkanik arlalinnik imaqarpoq.

Aalajangersakkatigut taakkunuuna ilaatigut aalajangersarneqarpoq kina/kikkut akuersisitsinani tiguisoqarnissaanik aalajangiisinnanersut, aalajangiinerlu taa-

maattoq inatsisinik unioqqutitsisuussanngippat piunasaqaatit suut eqqortinneqarsimassanersut. Inatsisit taakkua saniatigut inatsiseqartitsinikkut innarlitsaaliinerni qularnaveeqqutinik arlalinnik imaqarpoq, matumani Isumaginninnermi Naammagittaalliuuteqartarfimmut naammagittaalliornissamut periarfissaq, eqqartuussivikkut misiliisitsinissamut immikkut ajornanngitsumik periarfissaq kommunalbestyrelsillu inummut akuersitinneqarani inissinneqarsimasumut eqqartuussissuserisumik ikiortiliinissaminut pisussaaffeqarnera ilanngullugit eqqarsaatigalugit.

Utoqqaat illuanni najugaqartup pineqartup najugaqartussatut tiguneqarsimaneera pillugu apeqqut suliami allami immikkut suliariniarpara. Pisoq taanna nalunaarusiami matumani eqqartoqqinneqassanngilaq.

10. Malitseqartitsineq

Utoqqaat illuat qinnuigaara sulisut, najugaqartut ilaqutaasullu nalunaarusiamik matuminnga ilisimateqqullugit.

Utoqqaat illuat qinnuigaara nalunaarusiap immikkoortuani 8-mi oqaatigisakka qanoq iliuuseqarnissamut pissutissaqalersitsinersut paasissutissiissutigeqqullugu. Utoqqaat illuat qinnuigaara paasissutissat taakku Kommuni Kujallermi ingerlatsivik aqqutigalugu nassiuteqqullugit, taamaalilluni ingerlatsivik utoqqaat illuata oqaatigisimasai pillugit oqaaseqaateqarnissaminut periarfissaqarsinnaaqqullugu.

Nalunaarusiaq matuma assilinera Kommuni Kujallermi ingerlatsivimmut nassiuppara.

Nalunaarusiaq manna 2021-mi ukiumoortumik nalunaarutinni ilanngunneqassaaq nittartakkannilu www.ombudsmandi.gl-imi tamanut saqqummiunneqarumaarluni.

Misissuinerup inatsiseqartitsinikkut tunngavigisaa

Ombudsmandip sulineranut inatsiseqartitsinikkut tunngavigisaa Inatsisartut Ombudsmandiat pillugu Inatsisartut inatsisaanni (matuma kingornatigut Ombudsmandi pillugu inatsimmik taaneqartartussami) nr. 7-imi, 1. juni 2017-imeersumi aalajangersarneqarpoq.

Inatsisartut Ombudsmandiat Inatsisartunit qinerneqartarpoq, tak. Ombudsmandi pillugu inatsimmi § 1, imm. 1, sulinerminili Inatsisartunut attuumassuteqarani, tak. § 6, imm. 1. Kalaallit Nunaanni Namminersorlutik Oqartussat kommunillu ataanni pisortat ingerlatsiviisa ilaat tamarmik Ombudsmandip sulinerani pineqartunut ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit siulliit.

Oqartussaasut inuillu Ombudsmandip sulinerani pineqartunut ilaatinneqartut inatsiseqartitsineq atuuttoq unioqqutillugu iliuseqarnersut suliassaminnilluunniit ingerlatsinerminnut atatillugu allatigut kukkussuteqarnersut sumiginnaanersulluunniit Ombudsmandip misissugassaraa, tak. Ombudsmandi pillugu inatsimmi § 19, imm. 1. Ombudsmandi isornartorsiuisinnaavoq, inassuteqaateqarsinnaalluni suliampilu paasinninnini aamma saqqummiussinnaallugu, tak. Ombudsmandi pillugu inatsimmi § 20.

Ombudsmandi pillugu inatsimmi § 16-imi oqaaseqatigiitsigut siullertigut aalajangersarneqarpoq paaqqinniffiit suliffeqarfiilluunniit kiisalu atorfeqarfiit allat Ombudsmandip sulinerani pineqartunut ilaatinneqartut suulluunniit Ombudsmandip misissorsinnaagai. Taamatut misissuinermut atatillugu – Ombudsmandi pillugu inatsimmi §§-ini 19-imi 20-milu aalajangersarneqartut saniatigut – Ombudsmandip pissutsit paaqqinniffiup aaqquussaaneranut ingerlanneqarneranullu tunngasut kiisalu pissutsit paaqqinniffimmik atuisut pineqartarnerannut taakkulu pillugit ingerlatanut tunngasut inuppalaartumik misigittartumillu isiginnittaaseq aallaavigalugu naliliiffigisinnaavai, tak. Ombudsmandi pillugu inatsimmi § 16-imi oqaaseqatigiit aappaat.

NALUNAARUSIAMUT MALITSEQARTITSINEQ

Kommuni Kujalliup inaarutaasumik nalunaarusiaq pillugu oqaaseqaat imaattoq Nanortalimmi utoqqaat illuata suliarisimasaa uannut e-mailikkut 24. januar 2022-meersukkut ingerlateqqillugu nassiuppaa:

“Inatsisartut ombudsmadiat maannga maj 2021 pulaarmata, punkt 8-mut tunngatillugu, inuttaata sakkulersuutigisimasaa immineq savimmini, inuttaanut tunniuteqqin-nikuvoq, maannakkullu aamma inuttaa peerunnikuulluni.”

Sulisuma ilaat tamatuma kingornatigut utoqqaat illuata pisortaanut sianerpoq, utoqqaat illuata nalunaarusiami imm. 8 pillugu akissutaa 24. januar 2022-meersoq itisilertinniarlugu.

Utoqqaat illuata pisortaata tamatumunnga atatillugu oqaatigaa savik najugaqartumut 2021-mi juni julimiluunniit utertillugu tunniunneqarsimasoq, utoqqaallu illuata savimmik arsaarinneqqinnissani tamatuma kingornatigut pisariaqartissimangikkaa.

Sulisuma ilaat Kommuni Kujallermut 14. marts 2022-mi sianerpoq, paasissutissallu utoqqaat illuata pisortaata oqarasuaatikkut paasissutissiissutigisai saqqummiullugit. Nalunaarusianni imm. 8-mi kaammattuutigaara siunissami taamatut pisoqaqqissagalarpat utoqqaat illuata sunik periarfissaqarneranik pisortaqtigiit sulisullu pisariaqarneratut ilisimasaqarnissaasa qulakkeerneqarnissaat utoqqaat illuata, immaqa Kommuni Kujallermi ingerlatsivik suleqatigalugu, suliniutigissagaa. Taamaattumik tamanna kommunip annertunerusutigut isumaliutersuuteqarnissaanut pissutissaqalersitsisimanersoq sulisuma kommunimut taamatutaaq apeqqutigaa.

Kommunip tamatumunnga atatillugu oqaatigaa periaatsip allaaserineqarnera siunissami taamatut pisoqaqqissappat qanoq iliortoqarsinnaaneranik imalik kommunimi utoqqaat illuisa tamarmik atortagassaat kommunip suliariniaraa.

Kommuni Kujalleq allakkatigut 30. marts 2022-meersutigut nalunaarfigaara utoqqaat illuata kommunillu oqaatigisaat maluginiarikka, Nanortalimmilu utoqqaat illuanni misissuineq pillugu suliaq naammassineqartutut isigiga.

Kommunimut allakkama assilinerat Nanortalimmi utoqqaat illuannut ulloq taanna nassiuppara.